

GIZARTE EKINTZA SAILEKO GIZARTE LANGILEEN LAN KARGA ETA ESKAERAK DIRELA ETA KONTROL MOZIOA

Olaia Duarte Lopezek, EH BILDU udal taldeko zinegotziak, Udaltzatzen Organo Araudiaren 98. artikulua oinarri, mozio hau aurkezten du Udaltzatzen azter dadin. Mozioa 2021eko uztailaren 12an Zerbitzu Orokorren Batzordean aztertutako interpelazioaren ondorioa da.

JUSTIFIKAZIOA

Gizarte Ekintza sailak 2020ko aktibitatearen inguruan egindako memorian, argi gelditzen da departamenduaren lan-karga eta demandaren gorakada. Izan ere, 2019an 14.997 familia artatu baziren, 2020an 16.094 familia artatu dira (% 7,3 gehiago). Gainera, Covid-19ak eragindako egoera sozio-ekonomikoa dela eta, diru-laguntza ugari tramitatu behar izan dira egun batetik bestera eta konfinamendu garaian baliabide zein ostatua antolatu etxerik gabeko pertsonentzat.

Jakina da pandemiak ondorio psiko-sozialak eragin dituela biztanleria osoan, oro har, eta ondorio hauek nabariagoak izan daitezke lehenengo ilaran eta kontentzio lanetan diharduten profesionalen artean. Oinarrizko gizarte zerbitzuen profesionalen kasua da hau: kolektibo zaurgarrien ongizatea bermatzeko lan ikaragarria egin dutenak 2020tik bizi dugun egoera konplikatuan.

Ekainaren 24ko udaltzatzen Gizarte-ekintzako langileak ikusi genituen lan baldintza duinak erreklamatzeko. Izan ere, apirilaren 30ean Udaltzatzen Udaltzatzen udaltzatzen langileen artean ordezkapenik ez egiteko erabakia hartu zuen. Maiatzaren 4ko Tokiko Udaltzatzen Batzordean irakur daitekeen bezala, ordezkapenak honako zerbitzu hauetan, soilik, kontentzio lanetako dira: Udaltzatzen (udaltzatzen), mugikortasuneko atal operatiboa (udaltzatzen), gizarte harrera zentroa eta eskola-erakundeak.

Erabaki hau benetan ulertezina da, kontuan hartzen badugu pandemia garaian gizarte-zerbitzuak funtsezko zerbitzu bezala (esentzialak) baloratuak izan zirela. Bestetik, kontuan izanda gizarte langileena kolektibo feminizatua dela eta, hortaz, amatasun zein zaintza baxak ematen direla, erabaki honek ondorio negatiboak ditu gizarte langileen lanaren kalitatean eta haien lan zama areagotzen du; hain zuzen ere, gizarte gune batean, zortzi gizarte langiletatik batek baxa hartzen badu, beste zazpi artean banatu behar dituztelako haren kasuak eta familiak.

EH Bildu talde politikoa **Grupo político EH Bildu**

ljentea,1 - Tel. 943481027 - www.donostia.ehbildu.eus -
20003 Donostia

Gainera, esan beharra dago teknikari hauek jasaten duten egoera ez dela berria. Izan ere, 2017ko lan-kargaren faktoreko arriskuen ebaluazioaren arabera, Gizarte-ekintzako arrisku-maila oso handia da eta neurri zuzentzaileak aztertzea eta planteatzea eskatzen zen; zehazki, denbora-presioari, lan-kantitateari, zeregin askoren arretari eta arretaren intentsitateari dagokienez. Bestalde, gizarte langileen kolektiboak Udaleko teknikari ertainen balorazio baxuenetakoa du eta kolektiboaren azken balorazioa 2009an egin zen, harrezkero berrikuspenik egin gabe.

Gauzak horrela, arazoa arintzeko prebentzio-neurrien aplikazioa betetzetik urrun, Udal Gobernuak murrizketa gehiago aplikatzen ari da langileen handitzeari, lan-bajen ordezkapenei, oporrei eta baimenei dagokienez.

Jakin izan dugu kolektiboak planteamendu bat egin diela delegatuari eta departamentuko zuzendaritzari, baina, oraingoz, Udal Gobernuak ez duela haien lan zama leuntzeko eta interbentzio sozialak behar duten denboraz eta kalitatearekin egiteko neurririk planteatu.

Uztaileko batzordean, Udal Gobernuak delegatuak adierazi du ez dagoela departamentuaren esku ordezkapenak erabakitzea eta azkeneko asteetako organigrama aldatetarekin bi plaza egongo direla ordezkapenak egiteko. Hortaz, teknikariek jasaten duten lan-kargak eta kontziliazio faltak bere horretan jarraituko du. Gainera, delegatuak adierazi zuen departamentuaren helburuak murriztu daitezkeela langileen lan-zama arintzeko, baina ez dugu uste irtenbide egokia denik, helburuak murrizteak zerbitzuaren kalitatea eta herritarren eskubideak murriztea ekar dezakeelako. Bestetik, departamentuan daramaten zama handia izan dela eta pandemiaren ondorioz zama hori gehiago nabari dela aintzat hartzen badugu, baja gehiago egongo direla aurreikus daiteke. Teknikariek adierazi duten bezala, askotan ez diote haien buruari aukera hori ematen lankidea ez kaltetzarren.

Azaldutako egoera kontuan hartuta, behean sinatzen duen zinegotziak honako MOZIO hau aurkezten du:

KONTROL MOZIOA

1.- Udalbatzak hertsatuki eskatzen dio Udal Gobernuari, Gizarte-ekintzako langileak ordezkatzeko lehen egunetik (baja laburrak zein luzeak, baita lanaldi-murrizketak, erretiroak, lanpostu hutsak, oporrak eta baimenak ere), departamentu honen ezaugarriak eta balio soziala kontuan hartuz.

2.- Udalbatzak hertsatuki eskatzen dio Udal Gobernuari gizarte langileen lanpostua behar bezala balioestea 0129 Gizarte Langileentzako Erdi Mailako Teknikarien lanpostuan eta 2009tik egin ez den berrikuspena abiatzea.

EH Bildu talde politikoa
Grupo político EH Bildu

Ijentea, 1 - Tel. 943481027 - www.donostia.ehbildu.eus -
20003 Donostia

3.- Udalbatzak hertsatuki eskatzen dio Udal Gobernuari 2017an egindako lan-kargaren faktoreko arriskuen ebaluazioan jasotako ondorioak kontuan hartzea eta neurri zuzentzaileak martxan jartzea.

Donostian, 2021eko uztailaren 15ean

Olaia Duarte López
EH Bildu udal taldeko zinegotzia